



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Decreta Provinciae Mediolanensis Svb B. Carolo Borromeo, Cardinale  
Archiepiscopo, Diuersis temporibus in sex Concilijs, totidemq[ue]  
voluminibus edita

**Speciano, Cesare**

**Brixiae, 1603**

Tit. IX. De His, Qvae Fivnt A Maiori parte capituli.

**urn:nbn:de:hbz:466:1-10553**

DE HIS, QUÆ FIUNT A MAIORI  
parte capituli. Tit. IX.

Aliqui in Synodo Diocesana per clerum externum eligendi,  
qui congregationibus Urbanis intersint.

## Cap. I.

**Q**UÆ contingit interdum, vt clerus Urbanus congregatus, reliquo clero diocesano non adhibito, aliqua decernat, quæ ad clericos vniuersæ diœcesis pertineant, magno nonnunquam absentium damno; idcirco nos communi eorum utilitati consulentes statuimus, vt clerici, qui extra ciuitatem sunt, cum primùm in diœcesanam Synodum conuenerint, aliquos eligant, qui vrbane congregationis deliberationibus, quæ ad vniuersum Clerum spectant, intersint.

Præcipimus etiam clero ciuitatis, vt antequam congregetur, semper eos, qui delecti fuerint, admoneat; vt ad congregationes adesse possint. Si vero non admonuerit, quidquid ibi actum, decretumve sit, externo eius diœcesani clero, detrimento esse non possit.

Oratio in conuentu Clericali præmittatur, & subsequatur.

## Cap. I I.

**I**N omni clericali conuentu, quem vel publicè, vel priuatim Episcopus, aut alij, quibus Ecclesiastici homines habuerint, à statuta illa oratione, quæ de Spiritu sancto dicitur, aut ab alia, ad congregationis vsum accommodata, ille, aut is, qui conuentui præest, initium faciat: neq; conuentus dimittatur, nisi perorata ab eodem altera eiusdem generis oratione.

Capitulum coram Episcopo qualiter habendum; quid pertractandum, & eius occasione obseruandum.

## Cap. I I I.

**Q**UO facilius Episcopus in Ecclesia, sibi commissa, & diuinum cultum augere, & Canonicorum concordiam, mutuamq; charitatem conseruare, & Canonicaem disciplinam tueri possit; singulis mensibus, aut saltem sepe in anno, Canonicali capitulo interesse studeat; vel eo loco, vbi haberi solet, vel alio, quo illud is ad se conuocare maluerit: Conuocet autem cuiusuis rei causa, ob quam expedire iudicauerit. Quo in capitulo aliquando videat, an quæ de diuinorum officiorum cultu præscripta sunt, rectè, vrbano ordine, atque cum dignitate gerantur.

An item, si quæ in capitularium rerum, tum spiritualium, tum temporalium tractatione irrepserint, quibus pastorali sua cura consulendum sit.

An inter Canonicos controuersie sint, an dissidia.

An præscriptæ capitulo leges inuiolate seruentur.

Tum

Tum denique moneat, agatve, quae, & pro muneris sui officio, & pro rerum agendarum ratione expedire censuerit.

Canonici ad capitulum statis diebus accedant, & alijs item diebus extraordinem ed vocati conveniant omnes; neque cuiquam, illo per Praefectum non dimisso, ante discedere liceat, nisi ex causa Praefecto probata, missioneque ab eodem impetrata. Qui contrafecerit, arbitrio Praefecti mulctetur.

Si quis Canonicus, in capitulo non suo loco, & ordine sedere, sententiamve dicere, aut dicentem alium interpellare auferit: haec ei multa sit, quam Praefectus ei irrogarit: & praeterea ne ius eidem sit, in illo, neque in duobus deinceps sequentibus capitulis, sententiae dicendae.

Neque verò cuiquam locus sit, iocose, & scurriliter in capitulo loquendi.

Res capitulares qualiter tractandae, & deliberandae.

Cap. IIII.

**C**VM de rebus patrimonij capitularis, de locationibus, de contractibus, de officijs conferendis, ac de alijs item, Praefecti iudicio, gravioribus, in capitulo deliberandum est; earum rerum deliberatio, aut tractatio tum suffragijs occultis permittatur, tum illae res, quod maturius consulentur, in uno capitulo propositae, in alio deliberentur. Si verò res eiusmodi est, quae diutius differri non patiatur; triduo saltem ante, capitulum indicatur; singulisque Canonicis res, & causa significetur, de qua in eo capitulo consultatio, ac deliberatio futura est. Quod si praeterea res sit eiusmodi, quae inflet, atque urgeat, neque longius villo modo protrahi debeat, ita ut ne triduo quidem consultatio expectanda sit; tunc capituli Praefecto liberum, & integrum sit, brevioris temporis spatio, capitulum convocare; modò v. supra, unicuique de capitulo, qui non absit, nuntiari rem iubeat, de qua de liberandum, & consultandum sit.

## DE REBUS ECCLESIAE NON alienandis. Tit. X.

Bonorum Ecclesiasticorum, ac etiam piorum locorum qualiter inventarium fit faciendum. Cap. I.



**E**CCLSIARVM res quamplurimae, aut desituta defensoribus, aut etiam ab ijs, quibus earum procuratio credata erat, prodita, ita perierunt, ut monumentis, vel interceptis, vel perditis, nulla spes iam relinquendaatur illas in ius suum vindicandi.

Id ne deinceps accidat, neve quisquam, quod in Christi patrimonio negligentior sit, quam in suo merito reprehendi possit, statuimus;